

Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersumi § 36, § 42, imm. 3 aamma § 45, imm. 2 naapertorlugit aalajangersakkat makku aalajangersarneqarput:

Kapitali 1

Naatsorsuutini siunertaasut

§ 1. Kommunit aamma Namminersorlutik Oqartussat naatsorsuutaat, pisortani ingerlatsivinni inissisimaffinni tamani aningaasaqarnermik aqutsinerup aamma paasissutissanik allaffissornikkut aqutsinerup qularnaatsuunissaanut sunniuteqarluarnissaanullu iluaqutaassaaq.

Imm. 2. Paasissutissanik allaffissornikkut aqutsinermi, paasissutissanik ingerlaavartumik suliffiup iluani naatsorsuutini malinnaanermut, aningaasaqarnikkut pilersarusiornermut, aqutsinermut nakkutiginninnermullu, piffissakkaartumik naatsorsuutini saqqummiinernut kiisalu ukiumoortumik kommunit aamma nunap karsiata naatsorsuutaannut, ilanngullugit ukiumoortumik nalunaarutit, atugassanik tutsuignartunik naleqquttunillu pissarsititsisoqartassaaq.

Imm. 3. Ukiumoortumik nalunaarutit oqartussaaqatigiilluni suliat ingerlaneranut tunngavissiissapput. Ukiumoortumik nalunaarutit innuttaasut allallu soqutiginnittut pisortat ingerlatsineranni naammattumik paasisimasaqartitsilissapput, taamaalillutik soqutiginnittut kommunit aamma Namminersorlutik Oqartussat aningaasaqarnerannik naliliisinnaassallutik, ilanngullugit aningaasaqarnikkut killissaliussat aningaasaliissutigineqartut iluanni aqqissuussaannarni siunnerfiit aalajangersarneqartut angunissaannut piginnaasaqarnerit.

Kapitali 2

Nassuiaassutit

§ 2. Nalunaarummi matumani immikkoortorta q paasineqassaaq:

- 1) Naalakkersuisup suliassa qarfiisa iluanni ingerlatsivik, pisortai Naalakkersuiso qarfimmi suliassa qarfiup iluani aningaasaliinernut inatsisini kontumut pingaarnermut ataatsimut arlalinnuunniit, immaqalu aamma aningaasaliinernut inatsisini paragraffinut ataatsimoorussanut, missingersuutitut aningaasaqarnermullu akisussaasuusut.
- 2) Kommuni.

3) Sullissiviit aningaasaateqarfillu imminut pigisut, aningaasaliinernut inatsisini imaluunniit kommunit ukiumoortumik naatsorsuutaanni ingerlatsinermut aningaasaliiffigineqartut.

4) Kommunini ataatsimoorfiit il.il.

5) Suliffeqarfiit, peqatigiiffiit, aningaasaateqarfiit il.il., kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni § 1, imm. 2 naapertorlugu nalunaarummi pineqartunut ilaassasut Naalakkersuisut aalajangiussimasaat.

Imm. 2. Immikkoortortaq naatsorsuusiortoq paasineqassaaq tassaasoq Namminersorlutik Oqartussani immikkoortortami ilaasoq, taassuma aningaasaqarnikkut atugassiinernut tunngatillugu piginnaasaqarfii suliaassalu immikkoortortap aamma Aningaasaqarnermut Aqutsisoqarfiup akornanni isumaqatigiisummi erseqqinnerusumik aalajangersagaallutik, takuuk § 7, imm. 2.

Kapitali 3

Namminersorlutik Oqartussat

Aningaasaqarnermut Naalakkersuisoqarfik

§ 3. Aningaasaqarnermut Naalakkersuisoqarfik Namminersorlutik Oqartussani piffissakkaartumik naatsorsuutini atuinissaq akuersissuteqartarnissarlugu pillugit malittarisassanik aalajangersaasinnaavoq.

Aningaasaqarnermut Aqutsisoqarfik

§ 4. Allatut inatsimmi allami imaluunniit inatsit alla naapertorlugu aalajangersaasoqarsimanngippat Aningaasaqarnermut Aqutsisoqarfik Namminersorlutik Oqartussat immikkoortortaasa iluanni aningaasaqarnikkut aqutsinermut aamma paasissutissanik allaffissornikkut aqutsinermut tassunga atasumut killissaliussanik aaqqissuussinissamut akisussaasuvoq. Aningaasaqarnermut Aqutsisoqarfik suliffiup iluani nakkutiginninnernik, pisortat aningaasaataannik atorneqarluissamut kiisalu aningaasaqarnikkut aqutsinermut paasissutissat tunngaviusut annertuunik kukkuneqarnissaannik pitsaaliuisunik, pinngitsoortitsisussanik imaluunniit paasinniffiusussanik pilersitsinissamut akisussaasuvoq.

Imm. 2. Allatut inatsimmi allami imaluunniit inatsit alla naapertorlugu aalajangersaasoqarsimanngippat Aningaasaqarnermut Aqutsisoqarfik Namminersorlutik Oqartussat immikkoortortaasa tamarmik iluanni aningaasaqarnikkut aqutsinermut aamma paasissutissanik allaffissornikkut aqutsinermut maleruagassat aamma malittarisassat malinneqarnerannut nakkutilliissaaq.

§ 5. Aningaasaqarnermut Aqutsisoqarfik malittarisassanik, Namminersorlutik Oqartussani aningaasaqarnikkut aqutsinermut kiisalu paasissutissanik allaffissornikkut aqutsinerup aaqqissuunnissannut killissaliussanik nassuiaasunik aammalu akisussaasuunermut aalajangiisinnatitaanermullu maleruagassanik tassunga atasunik, suliaqassaaq.

Imm. 2. Aningaasaqarnermut Aqutsisoqarfik Namminersorlutik Oqartussani suliffiup iluani naatsorsuutitut ilitsersuutitut suliaqarnissamut malittarisassanik nassiussissaaq.

§ 6. Aningaasaqarnermut Aqutsisoqarfiup Nunatta Karsiata naatsorsuutai Aningaasaqarnermut Naalakkersuisoqarfiup innersuussineri malillugit suliarineqassapput.

Imm. 2. Aningaasaqarnermut Aqutsisoqarfik Namminersorlutik Oqartussat ataanni immikkoortortat sorliit namminee­rlutik aningaaserivimmi kontoqarsinnaanersut aalajangiissaaq aammalu aningaaserivimmi kontunut taakkununga malittarisassanik aalajangersaassalluni.

Namminersorlutik Oqartussat ataanni immikkoortortat

§ 7. Namminersorlutik Oqartussat ataanni immikkoortortat suliassaqarfimmi iluanni paasissutissanik allaffissornikkut aqutsinerup aaqqissuunnissaanut, suleriaasissat aammalu suliffiup iluani nakkutiginninnerit, naatsorsuut­inik allatigullu nalunaarusianik suliarinninnermut tunngavissanut naammattunik nalunaarsuinissamik qulakkeerinnittunik, aaqqissuunnissaannut akisussaasuupput.

Imm. 2. Aningaasaqarnermut Aqutsisoqarfik isumaqatigiissuteqarfigalugu immikkoortortap immikkoortut naatsorsuusiortussat amerlassusissaat, taakkualu aningaasaqarnikkut atugassii­nissamut aalajangiisnaatitaaffi suliassaallu, aalajangissavaat, ilanngullugit sorliit namminee­rlutik karsimik aqutsissanersut kiisalu karsini ataasiakkaani uninngasuutit annertussusissaat, ilanngullugit karsit aningaasanik imaqtartut. Immikkoortortat naatsorsuusiortussat ataasiakkaat paasissutissanik allaffissornikkut aqutsinerup il.il. isumannaatsumik ingerlanneqarsinnaasunngorlugu, annertussuseqarnissaat, taamaaliornermi qulakkeer­neqassaaq. Tamanna ajornarpat, immikkoortortap suliassaqarfiisa iluanni paasissutissanik allaffissornikkut aqutsinerup isumannaatsumik ingerlanneqarsinnaanissaa, allatut iliorluni qulakkiissavaa.

§ 8. Namminersorlutik Oqartussat ataanni immikkoortortat naatsorsuusiortussat, suliffiup iluani ilitersuut­inik suliaqassapput nutarterisassallutillu.

Imm. 2. Suliffiup iluani ilitersuummi minnerpaamik nassuiarneqassapput:

- 1) Ingerlatsiner­mi suliassaqarfik.
- 2) Immikkoortortap ataaniittunut immikkoortiterineq.
- 3) Aningaasanut inatsimmi kontut sorliit immikkoortortat ataasiakkaat ataanniinnersut.
- 4) Kina aningaasaliissut­inut atugassii­nissamut aalajangiisnaatitaanersaq.
- 5) Immikkoortortami immikkoortortaqarfiullu suliffiup iluani nakkutiginninnerani aamma aarlerinaataasunik aqutsiner­mi ilaasut pingaarnerit.

Imm. 3. Iltersuut immikkoortortami pisortanit aammalu suliffiup iluani kukkunersuiisartumit akuerineqassaaq.

Kapitali 4

Kommunit

§ 9. Aningaasaqarnermut ataatsimiititaliaq kommunip iluani aningaasaqarnikkut aqutsiner­mut aammalu paasissutissanik allaffissornikkut aqutsiner­mut tassunga atasumut killissaliussat aaqqissuunneqarnerannut, akisussaasuuvuq.

Imm. 2. Aningaasaqarnermut ataatsimiititaliaq suliffiup iluani nakkutiginninner­nik, pisortat aningaasaataannik atornerluinissamut kiisalu aningaasaqarnikkut aqutsiner­mut paasissutissat tunngaviusut annertuunik kukkuneqarnissaannik pitsaaliuisunik, pinngitsoortitsisussanik imaluunniit paasinniffiusussanik pilersitsinissamut akisussaasuuvuq.

Imm. 3. Aningaasaqarnermut ataatsimiititaliaq kommunimi suliaasaqarfinni tamaginni aningaasaqarnikkut aqutsinermut aamma paasissutissanik allaffissornikkut aqutsinermut maleruagassat aamma malittarisassat malinneqarnerannut nakkutilliissaaq.

§ 10. Aningaasaqarnermut ataatsimiititaliaq malittarisassianik, kommunimi aningaasaqarnikkut aqutsinermut kiisalu paasissutissanik allaffissornikkut aqutsinerup aaqqissuunnissaanut killissaliussanik nassuiaasunik aammalu akisussaasuunermut aalajangiisinnaatitaanermullu maleruagassanik tassunga atasanik, suliaqassaaq.

Imm. 2. Kommunalbestyrelsip sanaartugassanut iluarsagassanullu aningaasaateqarfimmik pilersitsinissaq akuerippagu, aningaasaateqarfiup suliaqarnissaanut missingersuutitigut aningaasaliissutitigullu killissat pillugit maleruagassanik aningaasaqarnermut ataatsimiititaliaq suliaqassaaq.

Imm. 3. Maleruagassat kommunalbestyrelsimit akuerineqassapput.

§ 11. Immikkoortortaqrarfiit aamma sullissiviit sorliit nammineerlutik naatsorsuusiortassanersut aammalu taakkua aningaasaqarnikkut atugassiisarnermut tunngatillugu aalajangiisinnaatitaaffii suliaasaalu aningaasaqarnermut ataatsimiititaliap aalajangissavai.

§ 12. Aningaasaqarnermut ataatsimiititaliaq kommunimi aningaasaqarnikkut pigisanik pisussaaffinnillu ingerlatsinermut akisussaasuuvuq.

Imm. 2. Immikkoortortaqrarfiit aamma sullissiviit sorliit kommunimi qitiusumi aningaaserivimmi kontuni tiguisinnaassanersut aammalu sorliit nammineerlutik aningaaserivimmi kontoqarsinnaanersut aningaasaqarnermut ataatsimiititaliaq aalajangiissaaq aammalu aningaaserivimmi kontunut taakkununga killissaliussat aalajangersassallugit.

Kapitali 5

Periaatsimik atuineq

§ 17. Paasissutissanik allaffissornikkut aqutsineq, isumalluutit sapinngisamik ikinnerpaat atorineqarlutik aammalu sapinngisamik annertunerpaamik ingerlaannartunngortitsisoqarluni, annertunerpaatigut digitalimik ingerlanneqassaaq.

§ 18. Immikkoortortat § 2, nr. 3-5-imi pineqartunut ilaatinneqartut IT atorlugu periaatsimut ataatsimoorussamut ilanngutsinneqarnerat, aningaasaqarnermut Aqutsisoqarfimmit imaluunniit kommunip aningaasaqarnermut ataatsimiititaliaanit akuersissuteqarneq malillugu pisinnaavoq.

Kapitali 6

Naatsorsuusiornermut piumasaqaatit

Aningaasaliissutinut naatsorsuutit

§ 19. Immikkoortortaq aningaasaliissutitut naatsorsuusiussaaq. Immikkoortortamut aningaasaliissutit, aningaasartuutit isertitallu naatsorsuutini ilaatinneqassapput.

Atugassiissutitut naatsorsuutit

§ 20. Isumaqatigiissutigineqartunut aammalu pisussaaffigilerneqartunut, immikkoortortamut siunissamut pisussaaffiliisunut aammalu ukiup aningaasaliiffiusup ingerlanerani aningaasartuuteqarnermik imaluunniit isertitaqarnermik malitseqarsinnaasunut, aningaasartalerlugit naatsorsuisoqarsinnaalerlugu, nalunaarsuinerit aaqqissuunneqassapput.

Imm. 2. Suliassanut naatsorsuutitut atatillugu atugassiinernut naatsorsuusiortoqassaaq, ilanngullugit sanaartugassat, taakkua 5 mio. koruunit sinnerlugit ilanngaasinnginnermi aningaasaliissutitaqarpata.

Imm. 3. Namminersorlutik Oqartussani immikkoortortat suliassaqaqfimmi immikkuullarissuni atugassiissutitut naatsorsuutit suliaqaqqullugit Aningaasaqarnermut Aqutsisoqarfiup aammattaaq peqqusinnaavai.

Imm. 4. Kommunimi immikkoortortaqarfiit aamma sullissiviit suliassaqaqfinni immikkuullarissuni atugassiinernut naatsorsuutit suliaqarnissaannik kommunalbestyrelsi aammattaaq peqqusisnaavoq.

Naatsorsuutini nalunaarsuineq

§ 21. Nalunaarsuinerit tamaasa naatsorsuutitut, naatsorsuutitigut naatsorsukkanut imaluunniit aaqqissukkanut, avataani atugassatut suliarineqartussanut, malinnaaffigineqarsinnaanngorlugit naatsorsuutini nalunaarsuineq aaqqissuunneqassaaq. Tassani kisitsisit nalunaarsuineri katitigaaffimmini (nuussinermut takussutissaq) ilanngutsinneqarsinnaassapput.

Imm. 2. Naatsorsuutini nalunaarsuinerit suulluunniit ilanngussani uppersaataitaqassapput, nalunaarsuinerup eqqortuuneranik (misissuinnermut takussutissaq) uppersaasinnaasumik. Ilanngussat nalunaarsuinnermut tunngavissatut inummit tamatumunnga piginnaatitaasumit akuerineqarsimassapput.

Imm. 3. Nalunaarsuinerit ilanngussanut tassunga atasunut innersuussissapput aammalu nalunaarsuinerup naatsorsuutini allanneqarnerani piffissatigut inissisimanera aalajangerneqarsinnaalerlugu paasissutissanik imaqaqalluni.

Imm. 4. Ilanngussat paasineqassapput tassaasut nuussinernut naatsorsuutini nalunaarsorneqartunut uppersaatat pisariaqartut suulluunniit, uppersaata elektroniskimik, mikrofilmimi, pappialami imaluunniit immiussivimmi allami pigineqarnersoq apeqqutaanani. Ilanngussat avataaneersoq paasineqassaaq tassaasoq uppersaata immikkoortortamiit annaanagerusuneersoq. Ilanngussat allat, ilanngullugit naatsorsuinerit aammalu naatsorsukkat allat, nalunaarsuinerup eqqortuuneranut uppersaataasut, suliffiup iluaniittutut isigineqassapput. Ilanngussat paasissutissanik nalunaarsuinnermut pisariaqartut imaqaqassapput, ilanngullugu ulloq nuussiviusoq aningaasartaalu ersarissumik allallugit.

Imm. 5. Naatsorsuutini najoqqutassaq iluarsineqarpat, imareqqaagai taamatullu allannguutit imarisai, najoqqutassani ersarissumik allasimassapput.

§ 22. Nalunaarsuineri aningaasaqarnikkut pisut, immikkoortortami ingerlatanut pingaaruteqartut imaluunniit sunnuteqartut, ilatinneqassapput. Aningaasaqarnikkut pisut eqqoqqissaartumik aammalu

pisut pereerneranni aammalu aningaasaqarnikkut naatsorsorneqarsinnaalernerisa kingorna piaartumik nalunaarsorneqassapput.

Imm. 2. Nalunaarsuinerni minnerpaamik ilaatinneqassapput:

- 1) Akiliilluni nuussinerit aningaasanik ikisinermi tigusinermiluunniit.
- 2) Isertitanik nuussinerit ingerlatsinerimi isertitaneersut, sanaartornermi isertitaneersut, akileraartutaneersut akitsuutaneersullu kiisalu nuutanit isertitat il.il.
- 3) Aningaasartuutunik nuussinerit ingerlatsinerimut aningaasartuutaneersut, sanaartornermut aningaasartuutaneersut nuutanillu aningaasartuutaneersut il.il.
- 4) Taarsigassarsiarititani aamma pisassani annaasassanut illuartitat.
- 5) Neriorsuutit aammalu pisussaaffinngorsinnaasut, ukiumi aningaasaliiffusumi pisussami aningaasartuutitut imaluunniit isertitanut sunniuteqarsinnaasut.

Imm. 3. Nalunaarsuineq aqqissuunneqarlunilu ingerlanneqassaaq naatsorsuusiornermut atortut aserorterneqassanatik, iginneqassanatik, mumingalersissanagilluunniit, taamatullu kukkuneqannginnissaat atornerlunneqannginnissaallu qulakkeerneqassalluni.

Imm. 4. Nalunaarsuineq ukiumoortumik missingersuutitut imaluunniit aningaasaliissutitut inatsisinut naapertuuttumik pissaaq aammalu kommunit aamma Namminersorlutik Oqartussat kontunut pilersaarutaat ataatsimoorussaq naapertorlugu ingerlanneqassalluni.

§ 23. Illuartitani § 22, imm. 2, nr. 4-mi taaneqartuni, ilaatinneqarpoq pisassat akiligassanngoreersut nalingi, ukiup aningaasaliiffusup naannginnerani akilernerqarsimanngitsoq.

Illuartitat ukiumi angusat naatsorsorneqarneranni ilaatinneqartut imatut naatsorsorneqassapput:

	Ukiut 0-1	Ukiut 1-2	Ukiut 2-3	Ukiut 3-4	Ukiut 4-5	Ukiut 5 pisoqaanerusulluunniit
Aningaasartaasa sinnerisa nalikillineqarnerat	7,50 pct.	15 pct.	30 pct.	50 pct.	75 pct.	100 pct.

Imm. 2. Imm. 1 apeqqutaatinnagu ataasiakkaatigut nalilersuineq malillugu pisassaq naapertorlugu akiitsoqartoq tassaappat pisortani oqartussaq, ilanngullugit nunami allami oqartussaq imaluunniit suliffeqarfik pisortanit ingerlanneqartoq, pisassat akiligassanngoreersut nalingannut tunngatillugu illuartsisoqassaaq.

Imm. 3. Illuartitani § 22, imm. 2, nr. 4-mi taaneqartuni taarsigassarsiarititat nalingat tamatuma saniatigut ilaatinneqarpoq, akilersuummik piffissaq eqqorlugu akiliiffissamut imaluunniit akiliinissamut isumaqatigiissutigineqartumut killiliussaq ullunit 60-init sivilisunerusumik qaangerneqarsimappat. Illuartsinerit ukiumi angusanik naatsorsuinerimi ilaatinneqartut, taarsigassarsianik ataasiakkaanik imaluunniit taarsigassarsianut tunngasunut assigiissaartunut ataatsimoortunut ataasiakkaatigut naliliineq malillugu pissapput.

Isertitanik aningaasartuutinilu piffissalersuineq

§ 24. Aningaasartuutit aamma isertitat nioqqutissanik pilersuinermeersut imaluunniit kommunineersut aamma Namminersorlutik Oqartussaneersut, annaasaqarsinnaanerup ikaarsaartinneqarnerani nalunaarsorneqassapput, nunami sorlermi pisisoqarnersoq apeqqutaanani.

Imm. 2. Aningaasartutit aamma isertitat, kommuninut aamma Namminersorlutik Oqartussanut taakkunanngaaniilluunniit kiffartuussinerneersut, tunniunneqavinnerat ilutigalugu nalunaarsorneqartassapput, piffissaq akilerneqarfiat apeqqutaanani.

Imm. 3. Aningaasartutit aamma isertitat nioqqutissanik aamma kiffartuussinernik pilersuinermeersuunatik pisoqartillugu, aningaasartai naatsorsorneqarsinnaalerneranni aammalu kingusinnerpaamik piffissami akilerneqarfianni nalunaarsuineq pissaaq.

Imm. 4. Kommuninut imaluunniit Namminersorlutik Oqartussanut piumasaqaatit annertuut, annertussusaat naatsorsuutini saqqummiussineq inaarutaasoq tikitsinnagu inaarutaasumik naatsorsorneqarsinnaanngippat, missingersuineq uppersarsarneqartoq tunngavigalugu ukiumi aningaasaliiffusumi pineqartumi, aningaasartutit naatsorsuutini nalunaarsorneqassapput, taamaallunilu ukiumi aningaasaliiffusumi, piumasaqaatip inaarutaasumik naatsorsorneqarsinnaalerfiani, aningaasartai iluarsineqassallutik.

Imm. 5. Allamiut aningaasaannik nuussinerit, akiliilluni nuussinermi ulloq taanna, ilanngullugu kortimik tunniussisumiit, danskit koruuniinut naatsorsorneqassaaq.

Imm. 6. Namminersorlutik Oqartussani akileraarutinit akitsuutinillu isertitat aammalu utertillugit akiliinerit akileraarutinit akitsuutinullu tunngasut piffissani makkunani isertitatut allanneqassapput:

1) Inuit akileraarutaat ukiumi aningaasaliiffusumi, sulisitsisumit nassuiaatinik tigusiffusumi, isertitatut allanneqassapput. Taamaattoq nassuiaatit ukiup siuliani naatsorsuutinit tunngasut, nassuiaat ukiup aningaasaliiffusup kingorna kingusinnerpaamik 31. januar tiguneqarsimappat, siuliani ukiumut aningaasaliiffusumut ilanngullugit naatsorsorneqassapput.

2) Akileraarutit B-t aamma ingerlatseqatigiiffit akileraarutaat ukiumi akileraarusiinerup naammassiffiani ilanngullugit naatsorsorneqassapput.

3) Pissarsianit akileraarutit ukiumi aningaasaliiffusumi nalunaarutiginninnerup tiguneqarfiani ilanngullugit naatsorsorneqassapput. Pissarsianit akileraarutinit utertitsineq, ukiumi tunniussiviusumi ilanngullugit naatsorsorneqassaaq.

4) Akitsuutit ukiumi aningaasaliiffusumi akitsuutinit nalunaarutiginninnerup akitsuuteqartussaataasumit tiguneqarfiani, ilanngullugu naatsorsorneqassaaq. Taamaattoq akitsuutinit nalunaarutiginninnerit siuliani ukiumi naatsorsuusiortusumut tunngassuteqartut, nalunaarutiginninnerit ukiup aningaasaliiffusup kingorna 31. januar tikitsinnagu tiguneqarsimappata, siuliani ukiumut aningaasaliiffusumut ilanngullugit naatsorsorneqassapput. Taamaattoq akitsuutinit nalunaarutiginninnerit Kalaallit Nunaanni aalisarnermi pisuussutinit akitsuutinit tunngassuteqartut, siuliani ukiumut naatsorsuusiortusumut tunngasut, nalunaarutiginninnerit ukiup aningaasaliiffusup kingorna 15. februar tikitsinnagu tiguneqarpata, siuliani ukiumut aningaasaliiffusumut ilanngullugit naatsorsorneqassapput.

5) Akileraartarnermut Aqutsisoqarfiup tamatuma kingorna akileraarutinit akitsuutinillu nr. 1-imit nr. 4-mut taaneqartunik iluarsiineri, ukiumi aningaasaliiffusumi iluarsiinerup ingerlanneqarfiani, ilanngullugit naatsorsorneqassapput.

Imm. 7. Aningaasaqarnikkut attartornissamut isumaqatigiissutit taarsigassarsianik aningaasalersuilluni pisinnermut sanilliunneqassapput. Aningaasaqarnikkut attartornissamut isumaqatigiissutini akiitsut oqimaqatigiissitsinermi akiitsunut pisussaaffit ataanni attartornermut isumaqatigiissutip atsiornerani aningaasartaannut naapertuuttumik naatsorsorneqartarput naatsorsuutinit allanneqartarlutik. Illuatungiliullugu allatassaq sanaartornermut aningaasartutit aningaasartutini allanneqassaaq.

Ingerlaavartumik attartornermi sullissinerit attartornermut isumaqatigiissutitut taamaattunut tunngasut erniatut ilaatinneqartumi agguarneqassaaq, ingerlatsinerimut aningaasartuutitut aammalu akilersuutip ilaatut attartornermi akiitsunik annikillisisutut nalunaarsorneqassalluni. Attartornermut isumaqatigiissummi aamma aserfallatsaaliuineq ilaatinneqarpat, taassuma ukiumut nalinga ingerlatsinerimut aningaasartuutitut nalunaarsorneqartussaq naatsorsorneqassaaq.

Imm. 8. Sanaartukkani avataaniit aningaasalersorneqartuni (tunissutitut aningaasaliinerit) sanaartornermut aningaasartuutit aamma sanaartornermut isertitat ukiumoortumik nalunaarusiami allassimassapput.

Kapitali 7

Naatsorsuutitik saqqummiineq

Ukiumoortumik nalunaarusiamut piumasaqaatit

§ 25. Ukiumoortumik naatsorsuutit pisassat, siumoortumik akilikkat aamma aningaasat akilerneqanngitsut il.il. eqqarsaatigalugit suliarineqassapput, taamaalillutik naatsorsuutit ukiumi aningaasaliiffusumi pineqartumi isertitanik aningaasartuutinillu kiisalu ukiup aningaasaliiffusup naanerani pigisanik aningaasartuutinillu, eqqortumik takutitsissallutik.

Imm. 2. Ukiumoortumik nalunaarusiap minnerpaamik imarissavai:

- 1) Pisortat atsiornarat.
- 2) Kukkunersuiusup atsiornara.
- 3) Pisortat nalunaarutaat.
- 4) Aningaasaliissutit naatsorsorneqarnerat.
- 5) Ukiumoortumik naatsorsuutit attuumassuteqartunik nassuiaatitalit.
- 6) Ilanngussat aningaasaliissutit atuinerullu akornanni nikingassutaasunut kiisalu aningaasaliinernut pilersaarutitut, ukiunut arlalinnut missingersuusiorfusunut il.il. nikingassutaasoq 2 procentimit annertuneruppat, taamaattoq minnerpaamik 1 mio. koruuniuppat, taakkununga sunniutaasunut pissutaasunut nassuiaatitaqartut.

Imm. 3. Pisortat atsiornearni oqaaseqaatini ilaatinneqassapput:

- 1) Ukiumoortumik nalunaarusiaq eqqortuusoq, tassa imaappoq ukiumoortumik nalunaarusiaq annertuunik kukkusunik paasissutissartaqanngitsoq imaluunniit ilanngutinngitsuugaqanngitsoq, ilanngullugit ukiumoortumik nalunaarusiami siunnerfinnik allaaserinninneq aamma siunnerfinnik nalunaarusiorneq tamakkiisuusoq.
- 2) Atugassiinerit naatsorsuutitik saqqummiussinerimut ilaatinneqartut, aningaasaliissutitut, inatsisinut aamma peqqussutitut allanut kiisalu isumaqatigiissutitut atsioriikkanut aammalu nalinginnaasumik suleriaatsimut, naapertuuttoq.
- 3) Suleriaatsinik aningaasanik aammalu immikkoortortani ingerlatsinerimut ukiumoortumik nalunaarusiami ilaatinneqartunik naapertuuttumik aningaasaqarnikkut aqutsinerimik qulakkeerinnittussanik, pilersitsisoqarsimasooq. Namminersorlutik Oqartussani pisortat oqaaseqaataat Aningaasaqarnermut Naalakkersuisumit aamma Aningaasaqarnermut Naalakkersuisoqarfinni pisortamit atsiorneqassapput. Kommunini pisortat oqaaseqaataat Aningaasaqarnermut ataatsimiititaliamit aamma kommunimi pisortamit atsiorneqassapput.

Imm. 4. Ukiumoortumik nalunaarusiaq kukkunersuiusup oqaaseqaataanik, kukkunersuiusutut

toqqagaasup kukkunersuinermit inerniliussatut suliarisimasaanik imaqassaaq.

Imm. 5. Aqutsisut nalunaarutaanni suliaasaqarfinni ataasiakkaani siunnerfiit angusallu pingaarnertigut nassuiaataat ilaatinneqassaaq, ilanngullugu suliaasaqarfimmut pilersaarummi/pilersaarutini attuumassuteqartuni malinnaaneq, aammalu sapinngisamik pisortat ataatsimoorlutik kontunut pilersaarutaanni siunertaq 1 naapertorlugu siunertanut suliaasaqarfiit akimorlugit nassuiaammik imaqartariaqarluni.

Imm. 6. Aningaasaliissutit naatsorsorneqarneranni, aningaasanut inatsimmut imaluunniit ukiumoortumik missingersuutitut naapertuuttumik, immikkoortortai nassuiarlugit takutinneqassaaq. Aningaasaliissutit naatsorsorneqarneranni, minnerpaamik aningaasanut inatsit imaluunniit ukiumoortumik missingersuutit naapertorlugit aningaasaliissutitut akuerisanut, kiisalu missingersuutit nutartikkat atuinermut piviusunngortinneqartumut sanilliullugu, takussutissiaq ilaatinneqassaaq.

Imm. 7. Ukiumoortumik naatsorsuutit minnerpaamik ilanngussat 1-3-mi allassimasunut naapertuuttumik angusat naatsorsorneqarnerannik, oqimaaqatigiissitsinermik, aningaasat ingerlaarnerannut naatsorsukkanik, imaqassapput.

Imm. 8. Ukiumoortumik naatsorsuutit tamatuma saniatigut nassuiaatinik attuumassuteqartunik imaqassaaq, minnerpaamik paasissutissat makkua imarissallugit:

- 1) Angusani naatsorsukkani allattukkat ataasiakkaat aamma allattukkani pingaarnerni oqimaaqatigiissitsinermi katitigaanerat.
- 2) Sulisoqarnermut aningaasartuutit pillugit nassuiaatip imarissavai, sulisut amerlassusaat, ukiumut sulisorisassat amerlassusaat, ukiumut sulisorisassap agguaqatigiissillugu aningaasarsiai pillugit paasissutissat, kommunalbestyrelsinut, Inatsisartunut, Naalakkersuisunut ilaasortanut, kommunini pisortanut aamma Namminersorlutik Oqartussani Naalakkersuisoqarfimmi pisortaanernut aningaasarsiaritit.
- 3) Illuutit aamma sanaartukkat pillugit nassuiaatini paasissutissat, kiisalu ukiuni 4-ni tulluuttuni aserfallatsaaliuinermit pitsanngorsaanernullu aningaasartuuteqarnissamut pisariaqartitsineq missingersorneqartoq.
- 4) Pisussaaffinngorsinnaasut, ilanngullugu qularnaveeqqusiinermi, attartornermi, attartornermi uppersaasiinermilu pisussaaffit.
- 5) Siunnersortitut avataaneersunut aningaasartuutit
- 6) Angalanernut ilassinninnernullu aningaasartuutit.
- 7) Naatsorsuutitut suleriaaseq atorleqartoq, ilanngullugu ingerlatanut isumalluutinullu paasissutissanik uuttuinermit tunngaviusut nassuiarneqarnerat.

Naatsorsuutitut akuersissuteqarneq

§ 26. Immikkoortortaq naatsorsuusiortussaq immikkoortup allap ataaniippat, immikkoortup piffissamut aamma ukiumut naatsorsuutai, immikkoortup pisortaanit aammalu immikkoortumit immikkoortup qullersarisaanit akuerineqassapput.

Imm. 2. Naatsorsuutit akuerineqarnerat naatsorsuutitut uppersaasat atorlugu pissaaq, tassani paasissutissiissutigineqassallutik:

- 1) Naatsorsuutit immikkoortup piffissami aningaasaqarnikkut atugassiissutaannik nuussinerinillu eqqortumik takutitsinersut.

- 2) Naatsorsuutit ingerlatsivinnik, immikkoortorta qarfinnik il.il. aamma naatsorsuutit immikkoortortaannik immikkoortup akisussaaffigisaannik tamaginnik ima qarnersut.
- 3) Aningaasaqarnikkut atugassiinerit nuussinerillu naatsorsuutini ilaatinneqartut, aningaasaqarnerup atorluaavigineqarnissaa eqqarsaatigalugu aqunneqarsimanersut.
- 4) Immikkoortortap suliaasaqarfiisa iluanni suleriaasissanik aamma suliffiup iluani nakkutiginninnernik, aningaasaqarnikkut atugassiinerit naatsorsuutini saqqummiinermi ilaatinneqartut aningaasaliissutitut akuerineqartunut, inatsisinut aamma peqqussutitut allanut, kiisalu isumaqatigiissutigineqartunut aamma nalinginnaasumik suleriaatsinut naapertuunnissaat sapinngisamik annertunerpaamik qulakkeerneqartussanngorlugu, pilersitsisoqarsimanersaq.

Kapitali 8

Immikkut ingerlatsivimmi suliaasat

Tunniussinerit

§ 27. Tunniussinerit atugassiinernut inunnit tamatumunnga piginnaatinneqartunit aalajangiiffigineqartunut naapertuunnissaat aammalu aningaasaliissutigineqartunut naapertuunnissaat, tunniussisarnernut tunngatillugu immikkoortortap suleriaasiini qulakkeerneqassaaq. Aammattaaq tunniussinernut ilanngussat tamarmik misissorneqartarnissaat, aningaasartuutini akiliinernillu naatsorsuutini naatsorsuinerit eqqortumik tamakkiisumillu pisarnissaat, aammalu nalunaarsuinerup akiliinerullu tunniussinermut ilanngussamut akuerisamut naapertuuttumik pisarnissaat, suleriaasissani qulakkeerneqassaaq.

Imm. 2. Nalunaarsuinerup akiliinerullu akornanni inunnik immikkoortinneqartunik, suleriaasissat aaqqissuunneqassapput. Tamanna ajornarpat, akiliinerit allatut misissorneqartarnissaasa qulakkeernissaa siunertaralugu, immikkoortortami ilitersuummi tamanna pillugu aalajangersakkanik immikkut ittumik ilanngussisoqassaaq.

Akiliinerit

§ 28. Piumasaqaatit tamarmik akiliinernik malitseqartussatut naatsorsuutigineqartut, isertitat akiliinerillu tamarmik eqqoqqissaartumik tamakkiisumillu naatsorsuutini nalunaarsorneqarnerat sapinngisamik siusinnerpaamik uppersarneqarnissaat, aammalu akiliinerit eqqortuunerat piffissaagallartillugulu isernerat misissorneqartarnissaa, immikkoortortap suleriaasiini akiliinernut tunngasuni qulakkeerneqassaaq.

Imm. 2. Immikkoortortat nioqqutissanik kiffartuussinernillu akiitsortitsillutik pilersuisartut, akiitsortitsinermut maleruagassanik aalajangersaassapput.

Imm. 3. Immikkoortortat allakkanik nalilinnik tiguisartut, allakkanik ammaanermut ilaatillugu allakkanik taakkuninnga nalunaarsuisassapput kiisalu tamatuma suliffiup iluani nakkutigineqarnera qulakkiissallugu.

Nioqqutissanik uninngasuutigineqartunik ingerlatsivimmi aqutsineq

§ 29. Immikkoortortat nioqqutissanut uninngasuutigineqartunut immikkoortunik allattuiffeqarnissamik pisussaaffeqarput, tamatumani uninngasuutigineqartut annikitsuinnaasimangippata. Nalunaarsuineq

uninngasuutigineqartut pigineqarnerannik aammalu allatigut uninngasuutigineqartut aquuneqarnerannik misissuinnermut tunngavissatut naleqquttumik nalunaarsuineq pissaaq.

Imm. 2. Nioqqutissat uninngasuutigineqartut nalingi, tamatumunnga aningaasaliissutini tunngavissaqarsimangippat, immikkoortortat naatsorsuutaanni uninngasuutitut kontuni ilanngunneqaqqusaanngillat.

Imm. 3. Nioqqutissat uninngasuutigineqartut, immikkoortortat akornuserneqaratik ingerlatsinissaat, kiisalu isumannaatsumik pisisarnermut toqqorsivimmilu aningaasaqarneq eqqarsaatigalugit pisariaqartutut isigineqartariaqartunit, annertunerussanngillat.

Pappiaqqanik nalilinnik aqutsineq

§ 30. Namminersorlutik Oqartussat pappialaatai nalillit uninngasuutigineqartut Aningaasaqarnermut Naalakkersuisoqarfimmit aquuneqassapput. Kommunit pappialaatai nalillit uninngasuutigineqartut kommunalbestyrelsinit aquuneqassapput

Legatinik aqutsineq

§ 31. Aningaasaatit legatinit pigineqartut, Namminersorlutik Oqartussanit imaluunniit kommuninit aningaasaateqarfimmut aalajangersakkat naapertorlugit aquuneqartut, kontunut pilersaarummut ataatsimoorussamut naapertuuttumik immikkoortortat naatsorsuutaanni ilanngunneqassapput.

Imm. 2. Imm. 1-imi taaneqartut saniatigut legatit allat naatsorsuutini ilanngunneqassanngillat.

Imm. 3. Toqqorsivimmi aqutsinnermut atatillugu aningaasartuutit, Namminersorlutik Oqartussat aamma kommunip susassarinnigilaat.

Imm. 4. Aningaasaateqarfimmut aalajangersakkat maleruagassap matuma sialianiittup malinnissaanut akornusiippata Aningaasaqarnermut Naalakkersuisoqarfiup imaluunniit Aningaasaqarnermut ataatsimiititaliap aningaasaateqarfimmut aalajangersakkat allanngortinneqarnissaat pillugu legatimut siulersuisunut isumaqatiginninniassapput.

Pigisanik allanik ingerlatsivimmi aqutsineq

§ 32. Pigisat allattorsimaffeqartinneqassapput, taakkua immikkoortortap ingerlatsinnermut aamma sanaartornermut missingersuutaasigut pissarsiarineqarsimappata imaluunniit immikkoortunit il.il. allanit akeqanngitsumik tunniunneqarsimappata apeqqutaanani. Allattorsimaffit pigisat pisiarinerani nalinga immaqalu pitsanngorsarneqarnerannut aningaasartuutit pillugit paasissutissartaqartinneqassapput kiisalu paasissutissat allat aqutsinnermut attuumassuteqartut ilaatinneqassallutik.

Allattorsimaffimmi ilaatinneqassapput:

- 1) Pigisat ataasiakkaat tamarmik aammalu pigisat ataqatigiissut 50.000 koruunit sinnerlugit nalillit.
- 2) Pigisat nammineq atorineqarsinnaasut aammalu ajornaatsumik tunineqarsinnaasut, soorlu oqarasuaatit angallattakkat, qarasaasiat angallattakkat, assiliiviit assigisaallu.
- 3) Eqqumiitsuliat, oqaluttuarisaanermi pigisat assigisaalluunniit.

Imm. 2. Pigisat imm. 1 malillugu pigineqarnersut aammalu naleqquttumik taakkua atorineqarnersut, kiisalu pigisat naammattumik isumannaatsuutinneqarnersut, piffissakkaartumik misissorneqartassaaq.

Kapitali 9

Naatsorsuutitut najoqqutassanik uninngasuuteqarneq

§ 33. Immikkoortortat naatsorsuutitut najoqqutassat ukiup aningaasaliiffiusup najoqqutassani pineqartup naanerata kingorna, inatsisini piffissaliussamik sivisunerusumik allassimasoqanngippat, ukiuni 5-ini toqqissisimanartumik toqqortarinissaat pisussaaffigaat. Taamaattoq atugassiinermut naatsorsuutitut § 21, imm. 2-mi taaneqartunut atatillugu naatsorsuutitut najoqqutassat ukiup aningaasaliiffiusup suliassap naammassiffiata naanerata kingorna minnerpaamik ukiuni 2-ni toqqoqqaneqassapput.

Imm. 2. Naatsorsuutitut najoqqutassat tigussaasut Kalaallit Nunaanniitineqassapput. Piffissaq uninngasuutiginniffusoq tamaat naatsorsuutitut najoqqutassat pineqartut immikkoorlutik paatsuugassaanngitsumillu nassaarineqarsinnaalerlugit uninngasuutigineqassapput.

Imm. 3. Naatsorsuutitut najoqqutassat Kalaallit Nunaanni imaluunniit allami elektroniskimik toqqortarineqarpata, taakkua suliarineqaratik, naatsorsorneqaratik imaluunniit naleqqussarneqaratik ersarissumik allassimallutik pappialami anillatsinneqarsinnaassapput.

Kapitali 10

Atuutilernera

§ 34. Nalunaarut ulloq 1. januar 2021 ukiumut aningaasaliiffiusumut 1. januar 2022 imaluunniit kingusinnerusumi allartittumut, atuutilerpoq. Nalunaarutip atuutilernerani Namminersornerullutik Oqartussat naatsorsuuseriveqarnerat il. il. pillugit nalunaarut nr. 8, 27 februar 1995-imeersoq atorunnaarpoq.

Imm. 2. § 21, imm. 2-mi aalajangersakkat immikkoortortap ataatsimoorussamik pisortani naatsorsuuserivik "Prisme" atulereernerata kingorna ukioq aningaasaliiffiusoq aallarnerfigalugu atuutilerpoq.

Imm. 3. § 23-mi aalajangersagaq pisassanut ukiumi aningaasaliiffiusumi 2022-mi kingusinnerusumiluunniit akiligassanngortunut atuutissaaq.

Imm. 4. § 32-mi aalajangersagaq kommuninut tunngatillugu ukioq aningaasaliiffiusoq 2023 aallarnerfigalugu atuutilissaaq.

Namminersorlutik Oqartussat, ulloq 13. januar 2022

Naja H. Nathanielsen

Aningaasaqarnermut, Aatsitassanut, Inatsisit Atuutinneqarnerannut Naligiissitaanermullu

Naalakkersuisoq

/ Nikolai S. Christensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut